



Broj: 01/3-50-1-29-11/04
Sarajevo, 26. jula 2004. godine

Z A P I S N I K
sa 11. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 26. jula 2004. godine

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Fatima Leho, Ibrahim Đedović, Izet Hadžić, Marija Perkanović i Filip Andrić.

Opravdano odsustvovali: Nikola Kragunj, Azra Hadžiahmetović i Mladen Potočnik.

Sjednici su prisustvovali ispred predlagača zakona: Mario Perc, viši stručni saradnik u Sektoru za spoljnotrgovinsku politiku i strana ulaganja, Zoran Bilbija rukovodilac Odsjeka za ekonomski razvoj i preduzetništvo u Ministarstvu vanjske trgovine i ekonomskih odnosa i Emira Češljar sekretar Komisije.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika sa 9. sjednice Komisije
2. Razmatranje Prijedloga zakona o hrani, predlagač Vijeće ministara Bosne i Hercegovine,
3. Razmatranje Prijedlog zakona o nadzoru nad tržištem u Bosni i Hercegovini, predlagač Vijeće ministara Bosne i Hercegovine,
4. Razmatranje Prijedloga zakona o tehničkim zahtjevima za proizvode i ocjenjivanju usklađenosti, predlagač Vijeće ministara Bosne i Hercegovine,
5. Razmatranje Prijedloga zakona o opštoj sigurnosti proizvoda, predlagač Vijeće ministara Bosne i Hercegovine,
6. Tekuća pitanja.

Zapisnik 7. i 8. sjednice Komisije usvojeni su jednoglasno bez primjedbi

Ad-2

Razmatranje Prijedlog zakona o hrani

Prijedlog Zakona dostavilo je Vijeće ministara u parlamentarnu proceduru 2. jula 2004. godine sa prijedlogom da se Zakon razmatra po hitnom postupku u skladu s članom 104. Poslovnika.

Kolegij doma je 15. jula obavijestio Komisiju da je na sjednici Predstavničkog doma 14. jula prihvaćen zahtjev predlagača Zakona da se Zakon razmatra po članu 104. Poslovnika i kao nadležnu komisiju odredio Komisiju za vanjsku trgovinu i carine.

Uvodne napomene o prijedlogu zakona dao je Mario Perc, istakavši koji su osnovni razlozi za donošenje Zakona, a u prvom redu to je uspostava efikasnog sistema u oblasti sigurnosti hrane i zaštite potrošača. Sigurnost hrane zasniva se na sistemu praćenja procesa i svih postupaka koji se primjenjuju tokom rukovanja hranom od «njive do trpeza» i pokrivaju zahtjeve o higijeni, zdravstvenoj ispravnosti i kvaliteti u proizvodnji hrane u svim fazama u toku proizvodnje i na kraju korištenja gotovog proizvoda od strane potrošača.

U toku obrade konačnog teksta Prijedloga zakona predlagač je obavijestio Dom i Komisiju da je tehničkom greškom izostavljen tekst st. 2., 3. i 4. člana 59., koji glasi:

2. Upravni odbor Agencije čine predstavnici:

- a) vanjske trgovine i ekonomskih odnosa,
- b) Ured za veterinarstvo Bosne i Hercegovine,
- c) Uprave Bosne i Hercegovine za zaštitu zdravlja bilja,
- d) Federalnog ministarstva zdravstva,
- e) Ministarstva zdravlja i socijalne zaštite Republike Srpske,
- f) federalnog ministarstva poljoprivrede, vodoprivrede i šumarstva,
- g) Ministarstva poljoprivrede, vodoprivrede i šumarstva Republike Srpske,
- h) federalnog ministarstva trgovine,
- i) Ministarstva trgovine i turizma Republike Srpske,
- j) Vlade Brčko Distrikta,
- k) entitetskih ministarstava nadležnih za prehrambenu industriju,
- l) a preostala tri člana Upravnog odbora imenuje Vijeće ministara na osnovu posebnih propisa.

3. Mandat članova Upravnog odbora je četiri godine.

4. Predsjednika Upravnog odbora biraju članovi savjeta iz svojih redova na period od tri godine.

U raspravi su učestvovali: Fatima Leho, Marija Perkanović, Filip Andrić.

Na postavljeno pitanje predstavniku predlagača: "da li je Zakon trebao imati drugi naziv i kakva je kontrola genetski modificirane hrane"? odgovoreno je da isti naziv imaju Hrvatska, Srbija, Crna Gora i Makedonija i da je Zakonom obuhvaćena i

hrana za životinje i da će obavezno kontrolu GMO vršiti Agencija za sigurnost hrane koja se uspostavlja zakonom, čija je djelatnost utvrđena u Poglavlju XIII.

Na Prijedlog zakona nije bilo amandmana, i sa 4 glasa «za» i jednim «uzdržanim» glasom Komisija je podržala principe Zakona uz konstataciju da je Zakon neophodno donijeti.

Uz dopisivanje teksta st. 2.,3., i 4. članu 59. u svim jezičkim verzijama i jezičko modificiranje teksta Zakona, Komisija će predložiti Predstavničkom domu da usvoji Zakon o hrani.

Ad-3

Prijedlog zakona o nadzoru nad tržištem u Bosni i Hercegovini

Prijedlog Zakona dostavilo je Vijeće ministara u parlamentarnu proceduru 2. jula 2004. godine sa prijedlogom da se Zakon razmatra po hitnom postupku u skladu s članom 104. Poslovnika.

Kolegij doma je 15. jula obavijestio Komisiju da je na sjednici Predstavničkog doma 14. jula prihvaćen zahtjev predlagača Zakona da se zakon razmatra po članu 104. Poslovnika i kao nadležnu komisiju odredio Komisiju za vanjsku trgovinu i carine.

Na Prijedlog zakona nije bilo amandmana.

Komisija je jednoglasno podržala principe Zakona uz konstataciju da je Zakon neophodno donijeti, i predložit će Predstavničkom domu da usvoji Zakon o nadzoru nad tržištem u Bosni i Hercegovini.

Ad-4

Prijedloga zakona o tehničkim zahtjevima za proizvode i ocjenjivanju usklađenosti

Prijedlog Zakona dostavilo je Vijeće ministara u parlamentarnu proceduru 2. jula 2004. godine sa prijedlogom da se Zakon razmatra po hitnom postupku u skladu s članom 104. Poslovnika.

Kolegij doma je 15. jula obavijestio Komisiju da je na sjednici Predstavničkog doma 14. jula prihvaćen zahtjev predlagača Zakona da se zakon razmatra po članu 104. Poslovnika i kao nadležnu komisiju odredio Komisiju za vanjsku trgovinu i carine.

U opštoj raspravi o pojedinostima učestvovali su svi prisutni članovi Komisije. Kako predstavnik predlagača Zakona nije znao pojasniti formulaciju stava 3. člana 6 Prijedloga zakona, koja glasi: **„Nadležna entitetska ministarstva i Odjel za urbanizam, imovinske odnose i privredni razvoj Brčko Distrikta Bosne i Hercegovine,** uz konstataciju većine da je nedorečena i nije u logičnoj vezi sa sadržajem člana 6 predloženo je, i uz saglasnost predstavnika predlagača, da se amandmanom briše ostav 3. člana 6.

Komisija je jednoglasno podržala principe Zakona.

Amandman je predložio poslanik Izet Hadžić, koji glasi:

AMANDMAN I

U članu 6. stav 3. briše se.

Dosadašnji st. 4., 5., i 6. postaju stav 3., 4, i 5.

O b r a z l o ž e n j e

Odredbama člana 6., a u vezi s članom 2. utvrđeno je da tehničke propise koji se odnose na ovaj zakon donosi Ministarstvo vanjske trgovine i ekonomskih odnosa BiH na prijedlog Komiteta za tehničke propise BiH. Odredba stava 3. člana 6. koji glasi **»Nadležna entitetska ministarstva i Odjel za urbanizam, imovinske odnose i privredni razvoj Brčko Distrikta Bosne i Hercegovine.»** je nedorečena i nije u logičnoj vezi sa sadržajem člana 6. Zakona, te u skladu s tim je neprimjenjiva.

Sa 4. glasa «za» i jednim uzdržanim glasom Komisija je usvojila amandman na Prijedloga zakona o tehničkim zahtjevima za proizvode i ocjenjivanju usklađenosti, konstatovala da je Zakon neophodno donijeti i predložiti će Predstavničkom domu usvajanje Zakona o tehničkim zahtjevima za proizvode i ocjenjivanju usklađenosti.

Ad-5

Prijedloga zakona o općoj sigurnosti proizvoda

Prijedlog Zakona dostavilo je Vijeće ministara u parlamentarnu proceduru 2. jula 2004. godine sa prijedlogom da se Zakon razmatra po hitnom postupku u skladu da članom 104. Poslovnika.

Kolegij doma je 15. jula obavijestio Komisiju da je na sjednici Predstavničkog doma 14. jula prihvaćen zahtjev predlagača Zakona da se zakon razmatra po članu 104. Poslovnika i kao nadležnu komisiju odredio Komisiju za vanjsku trgovinu i carine.

U općoj raspravi o pojedinostima učestvovali su svi prisutni članovi Komisije. Također predstavnik predlagača nije mogao tvrditi da li se u članu 8. stav 2. Zakona graškom poziva na član 5. stav 2. b) koji ne postoji; da li se odnosi na stav 3. b) člana 5., ili se može pozvati i na član 6. stav 2. b). Kako je navedeno izazvalo dilemu kod članova Komisije, uz konstataciju da će se nadzor nad tržištem obavljati u skladu s pravilima i procedurama utvrđenim posebnim zakonom, a što je utvrđeno u čl.1. i 2. ovog zakona, predloženo je i uz saglasnost predstavnika predlagača, da se amandmanom briše stav 2. člana 8.

Komisija je jednoglasno podržala principe Zakona.

Amandman je predložio poslanik Izet Hadžić, koji glasi:

AMANDMAN I

U članu 8. stav 2. briše se.

O b r a z l o ž e n j e

U stavu 2. člana 8. predlagač se pozvao na član 5. stava 2. b) Zakona koji ne postoji. Nadzor nad tržištem kako je navedeno u stavu 1. člana 8. obavljat će se u skladu s pravilima i procedurama utvrđenim posebnim zakonom, a to utvrđeno u

članu 1. i 2. Zakona o nadzoru nad tržištem Bosne i Hercegovine, koji se također nalazi u parlamentarnoj proceduri.

Komisija je jednoglasno podržala principe Zakona.

Sa 4. glasa «za» i 2 «uzdržan» glasa Komisija je usvojila amnadmnan na Prijedloga zakona o opštoj bezbjednosti proizvoda, konstatovala da je Zakon neophodno donijeti i predložiće Predstavničkom domu, uz obaveznu pravno-tehničkim korekcijama i jezičku ujednačenost cijelog teksta zakona, da usvoji Zakona o općoj sigurnosti proizvoda.

Ad-6

Sekretar Komisije upoznala je prisutne da je pri isteku rok komisijske faze razmatranja Prijedloga zakona o izmjenama Zakona o carinskoj politici Bosne i Hercegovine, predlagača Vijeća ministara BiH upućenog u parlamentarnu proceduru 16. juna 2004. godine.

Komisija se 1. jula 2004. ponovo obratila predlagaču Zakona i predsjedavajućem Izvršnog odbora Uprave za indirektno oporezivanje u vezi zauzetog stava o prijedlogu izmjene člana 162. Zakona o carinskoj politici BiH. Prema obavještenju predlagač zakona i resorno ministarstvu u saradnji sa Upravnim odborom Uprave za indirektno oporezivanje treba da razmatraju Zaključak komisije, i u skladu sa odredbama Zakona o sistemu indirektnog oporezivanja u Bosni i Hercegovini o zauzetom stavu obavijeste Komisiju.

Komisija je zaključila da na osnovu člana 84. stav 2. Poslovnika Predstavničkog doma traži odobrenje od Kolegija za produženje roka od 30 dana .

Razlog za produženja roka je neophodan u vezi zaključaka Komisije usvojenih na sjednicama kojim se predlaže predlagaču Zakona pribavljanje odobrenja od Upravnog odbora Uprave za indirektno oporezivanje za izmjene navedenog Zakona.

Sjednica je završena u 15:00 sati.

Sekretar Komisije
Emira Češljar

Predsjedavajući Komisije
dr. Petar Kunić